

# Wiisan me Ttúmwúnún Eew Inepwiinéw

Fóosun Chuuk /Chuukese

## Akkomwa peekin sukuun me peekin ánea me mwmwen ekkóoch mettóoch reen kkaton kachito me kukkunou

- Eúkú fansoun kkaton kachito, néúnéú kampúúter (computer/tablet), me foon (phone)
- Chechchemeni: ttamen fansoun wóón ekkewe pisekin kkaton mei ataaenó fansoun káé iká ekkóoch neeni noumw we epwe nnómw ia



## Ekieki semiriit repwe fiti sukuun me mwittir ngeni sukuun

- Anisi noumw kkewe semiriit ne amónnaatá aar pwpwotowun sukuun iteitan pwiin reen meet repwe uwei ngeni sukuun me pwan meet repwe úfeer iká pippisek
- Akkóóta ifa ussun mónnótáán mwékútún mwéngéén neesosoor iteiten ráán



## Túmwúnú semiriit repwe achoocho ne émwúchchú aar toongeni me fééri meet úrúúrún repwe fééri

Pwááróónó óómw pwaapwaiti me meseikáásini noumw we reen aan achoocho me féffééréch nón sukuun me aan peekin káé



## Sineei ifa ussun áán noumw we semiriit sukuun me mámmááritáán aan káé nón sukuun

- Pwopworóus ngeni noumw we, néún we sense, me pwan ekkóoch chóón angaang nón ewe sukuun fáán chómmóng
- Kkaton feffeitáán áán noumw we káé: kkatonkreitin iká néún report card; fiti ekkewe mwiichen saam me iin
- Eisini noumw we semiriit, “Ereniei eew mettóoch ke káé nón sukuun, nón menni (subject)” nge kosapw eis kapas eis epwe pénúweni ngeni úú iká aapw



## Sineei me pworóus wóón meet semiriit rekan kkaton reen kachito me pwan ekkewe pisekin kkaton (tv me kampúúter)

- Mei mwirinné kopwe sineei meet noumw we semiriit ekan kkakkaton, me fénééú ewe semiriit reen nónnómwéchchún anóngónóng wóón meet mei kúna
- Pworóus me épéchékkúna énnúkún me ttúmwúnún néúnéún peekin mechá iká internet me ttúmwúnúfichi epwe pwénúwetá énnúk meet kaa fééri

ADI. (2018). A guide for families: Helping your child succeed in school. <https://www.schoolcommunitynetwork.org/docs/FamilyGuide.pdf>

Redding, S., Murphy, M., & Sheley, P. (2011). Handbook on family and community engagement (FACE). Information Age. <https://www.schoolcommunitynetwork.org/downloads/FACEHandbook.pdf>

CCNETWORK  
Comprehensive Center Network

REGION 19  
American Samoa  
Hawaii  
Republic of the  
Marshall Islands

PREL

